

本书出版得到国家古籍整理出版专项经费资助

清代吏治史料

线装书局

官员管理史料 四七

清代吏治史料

綫裝書局



巡撫甘肅寧夏臨鞏等處地方督理軍務兼理茶馬都察院右副都御史加五級紀錄一次臣許容

題為請參扣折孤貧月糧等事該臣看得革職留任靈州知州蔡喜雲代辦孤貧月糧案內經臣審明係幕友張國俊經手辦理因料理軍需羊隻前往靈州實無指使情弊擬以知情不舉并以可否仍留原任聲明具

題嗣准部覆奉

旨蔡喜雲著詢問該撫許容若係辦理軍需得力之員即仍帶革職從寬留任効力贖罪倘辦事平常即照部議革任欽此臣接准部咨遵即行令布政司會同按察司查報去後茲據署布政司趙挺元等詳稱蔡喜雲蒞任已久熟諳民情土俗解羊解藏兩經出口承辦地方一切軍需從無違悞頗稱得力之員等情詳覆前來臣查蔡喜雲籍隸江蘇貌似柔弱但在任八年官民相安辦理軍需從無貽悞可稱得力與英易易生手不如駕輕就熟可否從寬仍留原任効力贖罪出自

聖恩臣未敢擅便謹題請

旨雍正十一年二月初九日題三月初四日奉

旨該撫既稱蔡喜雲辦理軍需從無貽悞頗稱得力之員著仍帶革職從寬留任該部知道

巡撫四川等處地方提督軍務都察院右僉都御史降三級又降一級留任紀錄三次臣憲德謹
奏爲恭謝

天恩事雍正十一年正月二十三日准刑部咨會看得四川巡撫憲德所題馮從景違賣賭具該縣掣獲
與牛年之例相符應將掣獲違賣賭具之署崇昌縣試用知縣周尚質照例加二級重慶府降調知
府張光錕照例於補官日加一級川東道陸賜書按察使今陞布政使劉應鼎巡撫憲德總督黃廷
桂照例各紀錄二次等因奉

旨依議劉應鼎憲德黃廷桂俱著紀錄二次欽此移咨到臣隨恭設香案望
闕叩頭謝

思並移咨督臣黃廷桂及行布按二司欽遵外竊惟微長必錄

聖明之獎予咸周過分邀來臣子之負慚實甚臣身膺重寄一心之兢惕雖殷而質本至愚數載之愆尤
日積至造賣賭具率屬稽查此則

功令在所必遵抑亦臣職在所當盡臣方慮幅幅甚廣賭具或尚有私藏倘其督率少疎賭風猶未能盡
息乃蒙

皇上恩賜臣紀錄二次臣叨此

榮施彌深愧忤惟有奉公勵屬稽查之法維嚴飭已化民賭博之後絕跡庶幾

皇仁益廣民俗益淳臣時銘

高厚之恩少竭涓埃之報耳理合恭疏

奏謝伏祈

皇上睿鑒施行謹具奏

間雍正十一年二月初一日奏三月初四日奉

旨該部知道

巡撫湖北等處地方兼提督軍務都察院右副都御史加一級紀錄二次臣德齡謹

題為特奏貪婪不職之劣員以肅官方事竊照縣令一官身膺錢穀刑名重任理宜砥礪廉隅今訪有署

大冶縣知縣董天叙於雍正十年分起解漕糧將應給每石腳費銀五分並不實發每石以九五扣給又短平銀二分共截剋銀二十兩有零入己猶不饜足捏稱水腳每石五分不敷所用已將派定腳費餘銀八十九兩零那墊養廉俸銀三十兩零給發船戶等語詳報當經陞任糧道張廷樞喚訊船戶經承該縣料難掩飾旋將腳費餘銀批解明係先侵後吐又縱容經承張元佐趙陞棟需索船戶銀二兩押船解役伍榮等索銀二兩管門役吳貴索銀三錢有船戶胡必干等證又該縣所屬地方有同茂興舖生員李作棠家於雍正十年十二月二十八日夜失火燒燬當貨該縣混以搬空當物放火燒燬之語勒索李作棠銀四百兩經盧洪福石蒼周等過付禁贓有據正在查察聞據布政司鍾保等各揭報前來與臣訪聞無異似此貪劣不職之員斷難姑容貽誤地方所當特疏

題奏請

旨將署大冶縣知縣董天叙革職以便與案內有名人犯嚴審究擬以儆官邪者也除一面飭行委員摘取印信嚴加看守并查該員任內有無倉庫錢糧未清另報外臣未敢擅便謹題請

旨雍正十一年二月十四日題三月初四日奉

旨達所奏董天叙著革職其貪婪各款情由及本內有名犯證該督一併嚴審究擬具奏該部知道

經筵講官少保兼太子太保保和殿大學士兼管吏部戶部尚書事加四級臣張廷玉等謹

題為循例陳情懇准効力以重維政事該臣等議得廣東總督鄂彌達等疏稱原署清遠縣掌職知縣林英因賑濟災民計種派銀題奉掌職嗣經審明賊無入已但係揀選

命往之員應加倍治罪律擬杖徒請經林英限內完贖經前撫臣題准免罪今林英援原任廉州府同知施上治河工効力之例呈懇前往與寧早遠帶帶銷並効力查施上治雖准河工効力未奉部文行知但林英係審明賊未入已奉文免罪之員既有急公効力之心不自廢棄似應照廢員許赴原任地方具呈保題之例准其効力仰懇

聖恩俯准該員在早遠與寧二準効力如果實心報効帶餉贏餘三年期滿另行題請開復補用等因前奉

查原署清遠縣知縣林英係時奉會欽奉

旨帶職加倍治罪經該撫審擬杖徒之員與原任廉州府同知施上治審無異職帶職回籍者不同不便准其在早遠與寧帶帶銷並効力應將該督等所請林英効力之處無庸議恭候

題請

旨雍正十一年三月初三日題本月初五日奉

旨林英著照該督所請行

經建請官少保兼太子太保保和殿大學士兼管吏部戶部尚書事加四級臣張廷玉等謹
題為欽奉

上諭事該臣等議得內閣交出原署江南總督印務漕運總督魏廷珍奏稱接准刑部咨文內開書辦汪
鰲等打點蔡幸運使高淳一案

諭旨著客行該督撫將案內有名人犯著速嚴拿獲解部不得遲緩洩漏以致脫逃欽此欽遵文開原督
高淳辦銅之朱二并住揚州之謝公先二名隨即差標勇飭令揚州府知府尹會一審行查拿當將
朱二謝公先俱已全獲隨即差勇解部合將已獲起解緣由繕摺奏

聞奉

旨高淳案內作雙人犯朱二謝公先該署督魏廷珍密飭知府尹會一拿獲解部不使免脫魏廷珍尹會
一著交部議叙其差往勇役著該署督從厚賞費欽此欽遵除行令該署督將差往勇役從厚賞

費外查定例緝拿重犯該地方官盡心拿獲者准加一級等語應將拿獲重犯朱二等之原署江南
總督事務漕運總督魏廷珍揚州府知府尹會一均照例於現任內准其加一級恭候

命下臣部遵奉施行臣等未敢擅便謹

題請

旨雍正十一年三月初三日題本月初五日奉

旨魏廷珍著加一級餘依議

巡撫安慶等處地方提督軍務都察院右副都御史加二級紀錄三次臣徐本謹

題為懇請改敘事該臣看得縣令一官有刑名錢穀之責必須明白練達之員方克勝任茲據布政使

馮景夏按察使孫詔詳稱查李聯芳原選安慶府太湖縣知縣因太湖界連江蕪聯芳不能勝任

題明簡缺試用歸經委署寧國縣知縣於雍正九年四月初二日到任於八月十一日卸事任事四月

吏治究屬不諳今李聯芳自開才庸呈請改教相應轉詳等情前來臣查李聯芳原係拔貢出身曾任教雖不宜於吏治而文理尚優仍可令其課士臣復加驗看年力未衰改補教職實為允當謹會

題請

旨雍正十一年二月初八日題三月初五日奉

旨該部議奏

巡撫廣東等處地方提督軍務兼管糧餉都察院右副都御史加二級記錄六次又軍功紀錄三次
駐劄廣州府臣楊永斌謹

題為知府丁憂事該臣看得南雄府知府潘思榮有親父潘滋漸于雍正十年十月十五日在廣州市城寓所病故倒應丁憂茲據廣東布政使甘汝來會同按察使今解任赴京黃文煒分巡廣南韶連道馬元方會詳稱潘思榮到任以來居官清正勤于率屬現又委辦雍正癸丑年上運銅斤正在需人詳請

題留在任守制等由前來臣查南雄一府轄屬保昌始興二縣為江廣往來孔道水陸衝衝必須幹練之員方克勝任知府潘思榮才具敏練勤謹率屬實心任事且現又委辦雍正癸丑年上運銅斤正資料理相應會跪

題請仰懇

聖恩俯准將潘思榮在任守制處地方公事均有攸賴如蒙

俞允准其在任守制似應酌給假期陞個月但該員現在委辦銅斤應俟辦解完竣之日令其扶柩回籍

安葬除將會

題印結送部查核外臣謹合詞具

題再照此案臣已于雍正十年十一月初四日具疏彙同四十一號本章拜發由驛傳遞茲准通政司咨開因齋奉馬夫墜馬遺失題本一箱咨將拜進本章另行補送等因除移咨查究外臣謹另行繕

疏會

題合併陳明伏乞

皇上睿鑒敕部議覆施行謹會題請

旨雍正十一年正月二十三日題三月初五日奉

旨該撫既稱潘思環才具敏練實心任事現在委辦銅斤著照所請令其在任守制俟解銅完竣酌量給假料理葬事畢仍回原任該部知道

兵部尚書兼都察院右副都御史總督淮揚等處地方提督漕運漢防軍務兼理糧餉署理江南江西總督印務臣魏廷珍謹

題為報明事該臣看得太倉州知州黃廷銓於前任高郵州任內因王周氏與該禮臣通姦謀死親夫王得雲一案該州檢驗不實部議降二級調用奉

旨其因檢驗不實降調之黃廷銓詢問該督撫如居官尚好著照所降之級從寬留任若辦事平常即照部議降調欽此前署督臣尹繼善移行查去後今據蘇州布政使白鍾山等詳稱太倉州知州黃廷銓操守謹飭辦事剴勉但於直隸州之任未完竭蹶又准蘇州撫臣喬世臣咨稱黃廷銓前在高郵州勤慎稱職自調任以來因太倉屬疲繁難三者並兼地方又有董率各邑之責辦理諸務轉覺竭蹶用章殊未勝直隸州之任等因各到臣臣覆查黃廷銓居官雖是謹飭而無醇應之才直隸州屬屬縣表率又當疲繁難三者並兼地方料理諸務殊未勝任理合據實

題明臣謹會

題請

旨雍正十一年二月十三日題三月初五日奉

旨該督督既稱黃廷銓居官雖是謹飭而無醇應之才於直隸州殊未勝任著照部議降調其太倉州知州員缺著將嘉定縣知縣江之煒補授該部知道

巡撫湖北等處地方兼提督軍務都察院右副都御史加一級紀錄二次臣德齡謹

題爲報明病故事該臣看得通山縣知縣杜元麟據湖北武昌布政使鍾保詳稱據武昌府知府白晷
來詳報該員于雍正十年十二月二十五日在任病故等情前來除飭查該員任內有無未完錢糧
倉庫驛站等項另報外所有通山縣知縣杜元麟病故緣由臣謹合詞

題報雍正十一年二月十四日題三月初五日奉

旨吏部知道

管理刑部尚書事暫署直隸總督印務臣唐執玉等謹

題爲報明病故事該臣等查得元氏縣知縣張諤係奉

旨命往直隸以知縣試用當經

題署元氏縣員缺嗣因試用一年期滿稱職復經照例

題請准其實授在案今據布政使王譽呈稱張諤陡患疾症醫治不痊于雍正十年十二月二十一日

病故所遺員缺不便乏員料理查原任井陘縣降調知縣張鳳光奉

旨命往直隸酌量或帶所降之級以知縣用或照所降之級用欽遵在案今張諤病故員缺業經詳請批

委張鳳光暫行署理取具張諤病故印甘各結并聲明元氏縣並非銜緊疲難係簡缺應聽部選等

情呈請核

題前來除結咨部外所有元氏縣知縣張諤病故緣由謹具題

聞雍正十一年二月二十六日題三月初七日奉

旨吏部知道

提督江蘇等處學政唐事府唐事兼翰林院侍讀學士加一級臣張廷璐謹

題爲特奏徇私婪賄教官以肅學政事臣蒙

皇上天恩優渥視學江蘇每見各學教官必諄切勉其潔已奉公以爲士子表率乃不謂有徇私婪賄如泰州學正張天根者緣該州知州江日容詳生員紀文鼎監生張象文等賄博一案經署學政事前署兩江總督臣尹繼善批發按察使嚴審臣自浙江回任後據按察使刁承祖詳文即將紀文鼎張象文擬革發飭嚴審在案乃張天根輒敢指稱修學名色混請該州罰銀希圖完結臣又訪聞張天根婪得紀文鼎銀十二兩夫以生員賄博干犯

功令該教官既不能約束又復徇私婪賄曲爲解免似此劣員所當特疏糾奏請

旨將張天根革職審究者也謹題請

旨雍正十一年二月十六日題三月初七日奉

旨這所奏張天根著革職交與該督嚴審究擬已有旨了該部知道

巡撫廣西等處地方提督軍務兼都察院右副都御史駐劄桂林府革職留任臣金鉉謹

題為知州告病事該臣看得養利州知州陳嘉毅先據該員以身患寒病難以供職詳請回籍調理等情經臣批司達即委員驗看如果患病實照例取具印結通詳核奪如有別情亦即據實詳報等因去後茲據署布政司事按察使張鉞詳據太平府知府屠嘉正行委崇善縣知縣馮瑚前往驗看該員委係身患寒疾病症醫治驟難見效並非捏飾規避等弊取具印甘各結詳繳并稱陳嘉毅尚係循分供職之員等情前來臣查雍正五年十二月十三日准吏部咨奉

上諭嗣後外官告病督撫查明確實具題令其回籍調治痊可有情願起用者於本籍起文赴部引見仍以前缺補用等因欽遵在案今養利州知州陳嘉毅既據查明患病實相應准其回籍調理庶尚穩妥地免致貽誤除員缺容臣另疏請

旨調補并印甘各結送部外臣謹會

題伏乞

皇上睿鑒勅部議覆施行謹題請

旨雍正十一年二月初三日題三月初七日奉

旨吏部議奏

經筵講官少保兼太子太保保和殿大學士兼管吏部戶部尚書事加四級臣張廷玉等謹
題為據實奏奉事該臣等議得河東河道總督朱藻奏稱河南布政使徐聚倫妄自尊大因違

國典奴才今歲伏秋赴豫勘工聚倫首倡不接不送因此司道等官概不迎送奴才以接送事屬小節
置之不論茲奴才於十一月復至豫省查工恭逢

長至今節奴才與副總河臣孫國璽等齊集省城叩頭朝

賀禮畢一同前行徐聚倫緊隨尾逼故意鳴鑼喝道以示目中無人奴才叨沐

聖恩昇以河道總督亦係封疆大吏藩司如此僭越全無

國體因差官傳說逼近鳴鑼喝道似與體統不合詎料聚倫勃然大怒尋至奴才寓所意欲爭論適奴
才往副河臣孫國璽處商議明歲一切工程事宜聚倫又尋至國璽處闖門直入聲言繼河尋我姓
徐的做對狠好等語及至接見奴才微色發聲任意咆哮奴才因其無狀出乎意想之外又見其酒
氣逼人不便與之理論聚倫遂拂衣而去此副河臣孫國璽及官役人等所共見者伏思聚倫身為
藩司職任表率乃不顧官箴一至于此况奴才管理河工一應勸支兵餉及歲需要工各項錢糧俱
由藩司移解道庫支辦亦非毫無統轄者比今徐聚倫如此狂縱將來公務必致掣肘倘有貽誤關
係匪輕理合據實

奏明再奴才督理兩省工程全賴道員承上接下協恭辦事詎意河南管河道劉永錫諸事玩忽惟圖
安樂今歲王家樓修築大工撤委該道監督奴才在工時彼猶勉強相隨及奴才查勘別工彼即急
忙回署捏稱多病其實在署飲酒看戲奴才屢加訓飭全不改悔今奴才於十一月內查工至豫在